



V I T A  
D. JOANNIS DEL CASTILLO  
SOTOMAYOR,  
EX BIBLIOTHECA AUTHORUM HISPANORUM  
NICOLAI ANTONII *excerpta.*



JOANNES DEL CASTILLO SOTOMAYOR, Matritensis, oriundus ipse è montanis Burgensibus, patrem habuit Iosephum Guillen DEL CASTILLO in Conventu Juridico Hispalensi criminalium causarum IIII. virum, eà memoriæ excellentiâ, uti fama est, vigentem, ut Bibliorum Sacrorum Codicem atque omnes Senecæ Epistolas recitare possit: Patrum verò Gomefium à Leone Pincianæ Curia Senatorem, cujus alicubi nepos meminit. Qui quidem operâ juris studio Salmantica navatâ, post litterarium, Solemneque in quâdam Cisterciensium Sodalium domo annorum aliquot secessum, ad Complutensem Academiam se conferens, Pontificios ibi Canones prius pomeridianis horis, post antemeridianis, primarius scilicet antecessor de superiore loco interpretatus est.

In hoc militiæ ordine is merebat, cum de *Usufructu*, hoc est, primum suarum *Juris Lucubrationum*, volumen typis edidit.

Porrò ab Academicis velitationibus Curia traditus, seu magis negotiorum æstuanti caveâ immisus, cum apud Gallæcos, tum in Hispalensi Prætorio, deindeque & in Curia Urbis Granatensis locum ac dignitatem Senatoris graviter sustinuit, eò magis laude dignus, quòd in actuosissimâ hujus vitæ exercitatione perpetuâ & curis publicæ rei plenâ nil remiserit à commentandi, publicandique *Controversiarum Juris* libros antiquâ operâ & industriâ.

Demùm in Senatu Matritensi regiarum rationum administrandarum jus inter Patres dixit.

Controversiarum laudatum opus multâ lectione virum, atque indefesso studio in publicum proficendi, valdèque contritum exercitatumque in litteris & negotiis legalibus, Authorem suum ambigere non sinit.

Quod quidem tale est.

Quotidianarum Controversiarum Juris Libri V. sive Volumina octo, hoc ordine: *Primum de Usufructu*, ad D. Joannem de Acuña Supremi Regii Senatus Præsidentem: Compluti apud Joan. Gratianum anno 1603. in folio. Accesserunt CCLX. *Juris Assertiones ab Authore olim publicè propostæ ac propugnatae*. Tomum hunc Francofurtenses in Germania ediderunt anno 1619. in 4. & Venetiis apud Turrinum an. 1645. fol.

*Secundum, Variarum in Jure Questionum*. Compluti 1605. in folio.

*Tertium, Diverfarum etiam Questionum, præsertim circa Representationem in Fideicommissis, primogeniorum successione*. Matriti 1611. in folio.

*Quartum, de Conjecturis atque Interpretationibus ultimarum voluntatum*. Prima hæc pars Granatæ an. 1619. folio. Deinde,

*Quintum, de iisdem Conjecturis & Interpretationibus*, pars secunda, Gaspari Guzmano Excellentissimo Comiti Olivarum nuncupata. Granatæ, an. 1627. fol.

*Sextum, sive de iisdem Conjecturis &c.* pars III. ibid. eod. anno.


*De Tertius Catholicis Hispania Regibus ex fructibus & rebus omnibus, qua decimantur, debitis*, Philippo IV. Hispaniarum Regi oblatum, septimus atque ultimus Tomus, vivo Authore, prodiit Matriti anno 1634. folio.

*Octavus de Alimentis*, posthumus lucem vidit, cum aliis septem, Lugduni apud Laurentium de Anisson, & Joannem Baptistam Devenet, anno 1658. fol.

Huic de *Alimentis Operi Joannes Paulus Melius* Consiliarius Status Ducis Mantuæ Additiones & Observationes fecit, unâque Decisionibus S. Rotæ Romanæ ad rem pertinentibus locupletavit, quæ Lugduni prodierunt sumptibus Laurentii Anisson, 1667. fol.

Deinde anno 1727. & tandem hoc anno 1753. magno omnium desiderio totum prodiit OPUS cum Decisionibus S. R. Rom. & Repertorio, f. 11. Tomi; elegantiori dispositum ordine, & præcedentibus correctius, sicut exhibet prolucius superior admonitio ad Lectorem.

D. DON



D. DON JOANNI  
DEL CASTILLO ET SOTOMAYOR,

In Amplissimo PHILIPPI IV. Hispaniarum Regis Patrimonii  
Senatu Consiliario,

D. DON FERDINANDUS DE HOJEDA  
In eodem Regio Consilio Collega.

ELOGIUM.



MMERITO nonnulli, qui Naturâ virès rimantur, eam illis penè desitutam, quasi in senium vergentem, & effectam accusant; Vident namque antiquam illam humanorum corporum habitudinem, è robusta proceritate ad exiles has angustias redactam, ut jam incurva sive contracta præ senectute videatur. Vident etiam uberem agrorum feracitatem ita quotidie in pejus degenerasse, ut vix justæ seminum mensuræ, fructus, seram agricolatum spem fallentes, correspondeant. Verùm deberent animadvertere, non hoc Naturæ, *qua benignissima rerum omnium mater est*, teste Cicerone; sed hominum vitio plerumque contingere. Nam ut ait Scriptor antiquus,

*Ipse suas consumit opes, homo nescius aequi,  
Enevatque datas vires, malè semper agendo;  
Et ruit in pejus vita extenuatus iniqua.*

Præsertim cum, authore Boethio, *Tanta sit Naturâ diligentia, ut cuncta semine multiplicato propagentur: qua omnia non modo ad tempus manendi, verùm generatim quoque quasi in perpetuum permanendi veluti quasdam machinas esse quis nesciat?* Verùm cum ingenii monumenta, *veluti animus*, ut ait Sallustius, *immortalia sint*; Deus Naturæ melioris author, ita illius vires, quæ fessæ hominibus putabantur, reparat, ut quotidie Viri eruditione clarissimi nascantur, quorum scripta, cum sint omnibus admirationi, testimonio etiam sunt Divinæ Providentiæ: nec quia inter multos sparsa, ideo minorâ; quoniam teste Petro Blesensi, *Scientiarum generosa possessio in plures dispersa non perditur, & distributa per partes, minorationis detrimenta non sentit: sed ideo diuturnius perpetua senescit, quòd publicata secundius se effudit*. Quid plurimos in Hispania nostra commemorem, quorum doctrinam universus Orbis & miratur, & reveretur? Te unum, VIR CLARISSIME, AC DOCTISSIME, ante omnes poponam in exemplum: nam

*Qua sparsa per omnes  
Tu collecta tenes.*

Magna doctissimorum hominum admiratione, incredibili studiosorum utilitate, rara non Hispanorum solum, sed & exterorum approbatione. Nam si tuorum scriptorum multitudinem spectemus, nullum Tibi comparandum, non apud nos tantum, sed apud alias Nationes etiam, nemo non videt; si utilitatem consideremus, meritò ambigere poterimus, an plures, an utiliores libros hæctenus doctrinæ tuæ Orbis habuerit. Et cum legendò, scribendoque, exemplo Augustini, vitam utiliter producas; dubitandum est, an vita hominis sufficiat ad legendum quæ tu scripsisti, aut alius possit scribere utiliora ad vitam. In tam proficuis ac multiplicibus tuis in Rêpublicâ conatibus, vovere licet ex animo cû Poëta,

*Dii Tibi dent animos, continuentque tuos.*

Et certè, ut singula disquiramus, quis unquam ante Te, *Usufructus materiam*, nostris Jurisconsultis tam necessariam, æquè ac difficilem, in methodum redegit, & ea subtilitate disposuit, ubertate, & aptitudine concinnavit, ut documento pariter sit, & admirationi? Quis *Quotidianas* variorum jurium *Controversias* expeditius, doctius, accuratiusque, quàm Tu, unquam explicuit, aut illustravit? Quas cum Primariam Complutensis Academiæ Cathedram gubernares, olim edidisti; vel quas cum in Gallæciano, & Hispaletano Senatu Regis Maximi Consiliarius, tanto omnium cum plausu iterum publi-

[:] 4

blicasti.

1. Parit.

Petrus de Riga in Aurora.

Lib. 3. de consol. Philos. prof. 11.

In Trign.

In Epist.

Ofvald. multis in locis, Doctissimum Hispanorum vocat.



ELOGIUM J. DEL CASTILLO.

blicasti. Nec cum in Granatense Consilium ascitus es *Manum* (quod aiunt) *de tabula deposuisti*, cum duplicem de eadem materia factum, duobus illis parem laudabiliter addidisti. In illorum Tertio, prætermissam ab aliis, atque præ difficultate intactam semper, (aut non bene tractatam) *de Repraesentatione* materiam ita noviter & dilucidè examinasti, atque eruditè discussisti, & tam ad genuinas Hispanarum legum regulas deposuisti, ut (quod mirandum est) non multo post, Sanctionibus pragmaticis, \* & Regiis decretis confirmata omnia illa fuerint, quæ Tu prudenter & excogitatas, & observaras. In cæteris denique difficiliorum de Contractibus, Ultimis Voluntatibus, & Hispaniæ Majoratibus tractatum quæstiones omnes tanta accuratone pertractantur, ut nihil in eis sit, quod præcipuam hinc non accipiat lucem, atque nitorem. Quid alios referam Ingeniū tui fecundissimi partus? in quibus difficiliores Juris utriusque nodi, intricatioraque legum ænigmata ita dissolvuntur, & enucleantur, ut vix, ne vix quidem, aliquid in Hispania, & apud alias Nationes literis jucundius mandetur, quod non Clarissimum tuum

\* In Pragmat. publicata anno 1615. incipit: Bienfais.

— præfigat pagina Nomen.  
Magna profectò laus ea vivū mereri honorum præconia, ad quæ etiam post mortem (nam

4. de Pont.

— *ludere vivos*  
*Levior, & invito rodere dente, solet.*

ut ait Ovidius) digniores vix possunt pervenire. Nam certè Tu unus es;

Lib. 1. Epigram. 1.

*Cui, Lector studiose, quod dedisti*  
*Viventi decus, atque sentienti,*  
*Rari post cineres habent:*

ut de se Martialis noster. Nec injuria; cum voce & scripto omnes nunc erudias; postea tuorum scriptorum doctrina, Te quasi præsentem omnia sæcula sint habitura atque veneratura: quoniam, teste Cicerone, *Docti non solum vivi, ac præsentis studiosos discendè erudiunt, atque docent: sed hoc idem etiam post mortem monumentis literarum assequuntur.* Posses itaque, Eruditissime JOANNES, post tantos literarios labores & æstimationem illis debitam quiescere: Nam

1. de Offic.

*Non imprudenter vita, quod reliquum est, petit,*  
*Cum fama, quod satis est, habet:*

Martial. lib. 1. epigr. 42.

ut ait Hispanus Vates. Verum animus ille tuus utilitatis publicæ semper avidus ad majora tendit, memor præcepti illius Lucii Luceii ad Ciceronem: *Quo eruditus oportet semper aliquid ex se promat; quod alios deleat, aut se ipsum laudibus illustret.* Testatur hoc *Septimum* scriptorum tuorum *doctissimum Volumen*, quo nunc tuo beneficio fruimur. In eo iudicibus omnibus, tam Ecclesiastici, quam Civilis juris prudentibus nihil unquam occurret, quod ad *Tertias Regibus Hispania debitas ex fructibus & rebus omnibus qua decimantur*, Pontificum Romanorum concessione, pertinet, quod non enucleatum dilucidè, explicatum acutè, & doctissimè patefactum omnibus videatur. Sed anne in hoc

Genes. 1.

perfectissimo Septenario sistis, & *requiescis* hoc quasi *die septimo ab universo opere quod patraras*? Non ita; sed Octavum à Te factum jam spectabimus, nunc primùm typis Lugdunensibus edendum, in quo de *Alimentis* subtilissimè disputas. Deus Tibi vitam omnium vocibus ac votis expetitam in publicum commodum largiatur: Nam ut ait Divus Gregorius, *Illius, qui omnibus proficit, vita, sic à reliquis debet expecti quasi sua.* Quoniam *major utilitatis publicæ ratio habenda est*, ex præcepto Philosophi.


In Moral. Aristot. in Moral.

Omnia hæc laudum tuarum, Amplissime Consiliarie, decora, & scriptorum tuorum præconia tantò clariora sunt, quanto non à Doctiore solum, sed à Nobiliori pectore profecta: præsertim cum *literarum studium nullus aque commendat, quàm ille, qui illud avita nobilitate magis nobilitat*, ut docebat Demosthenes: nam ut *Doctrina*, teste Cassiodoro, *facile exornat Generosum, quæ ex obscuro Nobilem facit*; ita etiam invicem illustratur ab Illustri, ut à Te, Madridiorum, cujus primævam nobilitatem Majores tui tot Magistratibus maximis & præclaris facinoribus exornarunt, ut nulli Nobilium suorum plus quàm Illis se debere fateatur\*. Sed in tam antiqua Nobilitatis eximiæ serie, plus etiam Tibi, quàm Tu aliis etiam præstantibus Viris, qui Tibi successerint, obnoxii sunt; nam ex te illud decus emanat aliis, quo Juliano Imperatori accrevit, ex successione Salvii Juliani, clarissimi in nostra Jurisprudencia Viri; de quo hæc sunt Spartiani verba: *Juliano Imperatori, qui post Perimacem Imperium est adeptus, Proavus fuit Salvius Julianus, bis Consul, Præfectus Urbis, & Jurisconsultus, quod magis eum Nobilem fecit.* Perge igitur, Amice Nobilissime atque Doctissime, tot Doctrinæ & Nobilitatis dotibus, de Orbe, de Rege, de Patria, & de tuis Collegis diù bene mereri. Quod ut diuturnius sit, votum & voce, & animo concipio. Vale.

\* Quintana duen. en la historia de Madrid, cap. 84. & 105. & Martineus Sinculus in suis Viris illustribus. In ejus vita.

D. FERDINAND.  
DE HOJEDA.

D. D.



D. D. JOANNIS DEL CASTILLO & SOTOMAYOR,

VITA,

A. D. D. BLASIO ANTONIO NASSARRE ET FERRIZ J. U. D. & Vespertino Juris Civilis in Academia CÆsar-Augustana Antecessore ex Authenticis eruta monumentis.



ANTIQUA CASTILLOSUM gens, de qua merito dubites an rei litterariæ bono, an militaris nata sit, quamplurimos & Toga & Sago strenuos, præstantesque Viros produxit. Triginta & quatuor hujus cognominis scriptores bibliothecam instruunt nostram, & Historiæ Ordinum Militarium tertia quæque pagina fortissimorum equitum hujus agnationis memoria illustratur. Aliquid de hac familiâ prælibandum est, cum de ea sæpissimè mentio fieri debeat in hoc de Hispanis Jurisconsultis commentario, quod, *præcox* licet, in publicum per partes prodire permittimus ut Viros de re litteraria benemeritos, qui Editores Hispanorum scriptorum magnis cura, sollicitudine, elegantia, & sumptibus parant adjuvemus. Memoria itaque proditum est Castri del Pedrosso in Cantabriæ finibus erectionem viris fortissimis nomen & stemmata DEL CASTILLO dedisse. Hispano Idiotissimo, munita arx, *Castillo* vocatur. Cum à Maurorum tyrannide occupata tota pene esset Hispania: nostræ libertatis assertores & vindices vel Asturum, vel Aragonum, vel Cantabriæ montes incolere: ideo Hispanæ nobilitatis quasi seminarium recensentur, & ex his ut ex Romuli Casulâ Capitolium nostrum arctissimum heu quondam enarravit imperium.

Bartholomæus DEL CASTILLO, vir fortis & militari gloria commendatus, majores suos secutus Trammieranam in montanis Burgensibus arcem condidit, quam hæreditario jure posteris sui longo annorum spatio tenuerunt. Ex his licet alterius militiæ non minore laude dignus censetur D. Joannes noster, cujus vitam ob eximiam ejus eruditionem & in rem forensis merita, tamquam virtutis senatoriæ tabulam proponere decrevit, ut Togatis admirationi, Juris vero Professoribus exemplo esse possit.

Si filii heroum noxæ in paremia est, forsitan quia viri doctissimi & probi non sibi similes filios procreare solent, raro exemplo felix fuit D. Josephus Guillen DEL CASTILLO, D. Joannis nostri Pater, qui & ipse nascendo avum proavumque felices fecit: ita ut de his cum Flacco dicere liceat: *Fortes creantur fortibus & bonis, est in Juvencis, est in equis Patrum Virtus: nec imbellem feroces progenerant aquila colymbam.*

Josephus ergo Guillen DEL CASTILLO Cantabriæ civitatibus à Rege Catholico præpositus fuit, (Corregidor Hispano verbo dicitur) in conventu deinde Juridico Hispanensi Criminalium Causarum IV. vir, qui ea memoriæ excellentia vigit ut Bibliorum Sacrorum codicem, atque utriusque Senecæ Opera recitare possit: vir justus vocabatur, & erat, ut vel eo conjectare licet quod cum Catholici Regis autoritate non semel Indicas naves ingens aurum & merces pretiosissimas trajicientes, recenseret: rem familiarem non auxit. Denatus fuit Matrili dilectus Deo & hominibus 10. Octobris anno 1605. cum jam rude honoraria donatus esset, quod unice exoptavit.

Matrem habuit D. Joannes noster D. Mariam Mendez de Sotomayor, ex familia Equestri; Patrum Gomezium Guillen DEL CASTILLO Cordubæ Prætozem, Pin-

cianæ